

Na osnovu člana 16. stav 4., Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 6. sjednici, održanoj dana 24.05.2019. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi Kaser Vedrana, poslanika u Skupštini Zeničko-dobojskog kantona, broj: 01-02-7310/19, od 24.04.2019. godine, vezano za Izmjene i dopune Zakona o osnovnoj školi („Službene novine Zeničko-dobojskog kantona“, broj: 3/18).

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/19
Datum, 24.05.2019. godine
Z e n i c a

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine Zeničko-dobojskog kantona,
1x a/a.

Na podnesenu poslaničku inicijativu, na 7. sjednici Skupštine Zeničko-dobojskog kantona, od 24.04.2019. godine, od strane poslanika Kaser Vedrana, a vezanu za Izmjene i dopune Zakona o osnovnoj školi („Službene novine Zeničko-dobojskog kantona“, broj: 3/18), Ministarstvo za obrazovanje, nauku, kulturu i sport Zeničko-dobojskog kantona, daje sljedeće:

MIŠLJENJE

U skladu sa odredbama Okvirnog Zakona o osnovnom i srednjem obrazovanju („Službeni glasnik BiH“, broj: 18/03) usklađeni su i kantonalni zakoni o osnovnom i srednjem obrazovanju. S tim u vezi članom 19. stav (1) Zakona o osnovnoj školi („Službene novine Zeničko-dobojskog kantona“, broj: 3/18), Vlada Kantona na prijedlog općinskog/gradskog vijeća utvrđuje upisno-gravitaciono područje sa kojeg je javna osnovna škola obavezna da primi školske obveznike, a u skladu sa članom 42. stav (1) Zakona o osnovnoj školi („Službene novine Zeničko-dobojskog kantona“, broj: 3/18), upis u osnovnu školu se obavlja na osnovu spiska školskih obveznika, koji školi dostavlja nadležni organ općine/grada i sljedećih dokumenata:

-izvoda iz matične knjige rođenih,

-ljekarskog uvjerenja,

-uvjerenja o pohađanju/uvjerenja o završenom Programu obaveznog predškolskog odgoja i obrazovanja u godini pred polazak u osnovnu školu ili uvjerenja o pohađanju/uvjerenja o završenom Cjelovitom razvojnom programu za djecu u godini pred polazak u osnovnu školu i

-potvrde o prebivalištu (CIPS).

Ukoliko su djeca-učenici, zajedno sa svojim roditeljima, zvanično prijavljena sa mjestom prebivališta u drugoj općini, odnosno na području drugog kantona, ovaj organ kantonalne uprave nema niti nadležnosti, niti ovlaštenja da pravi bilo kakva izuzeća od važećih odredbi Zakona o osnovnoj školi („Službene novine Zeničko-dobojskog kantona“, broj: 3/18), niti se možemo upuštati u bilo kakve paušalne procjene konačno donesenih odluka roditelja/staratelja učenika, koji su njihovom slobodnom voljom i izborom prijavljeni na području drugog kantona, za koje je nadležno ministarstvo obrazovanja drugog kantona/entiteta. Ujedno napominjemo da su sva pripadajuća obrazovna prava djece, učenika, također zagarantovana na području drugog kantona, i to nakon promjene mjesta prebivališta po slobodnoj volji i slobodnom izboru roditelja.

Dakle, u predmetnom slučaju nije riječ o bilo kakvom birokratskom pristupu, niti uskom tumačenju obrazovnih prava. Naprotiv, nakon promjene mjesta prebivališta, uz obrazovna prava djece, učenika, vežu se i sva ostala pripadajuća prava, (uključujući i prava na liječenje, pravo na povlasticu prijevoza učenika i slično), a koja su i opredijelila roditelje da zvanično, putem zvanične dokumentacije promjene mjesto prebivališta. Također napominjemo da se sva obrazovna prava iz Zakona o osnovnoj školi („Službene novine Zeničko-dobojskog kantona“, broj: 3/18), uključujući i član 5. stav (8), trebaju posmatrati u svom jedinstvu i cjelini, tako da se ne mogu kršiti ili na drugi način selektivno izdvajati u odnosu na sve ostale članove istog Zakona, zbog čega ovaj organ kantonalne uprave nije ni mogao udovoljiti zahtjevu roditelja djece, učenika koji su već i prema zvaničnoj dokumentaciji promijenili mjesto prebivališta izvan naše zakonske nadležnosti.

Stoga razmatrajući podnesenu poslaničku inicijativu iz segmenta resornih nadležnosti u vezi sa predloženim izmjenama Zakona o osnovnoj školi („Službene novine Zeničko-dobojskog kantona“, broj: 3/18), mišljenja smo da u ovom momentu, nisu stečeni uvjeti za donošenje Zakona o Izmjenama i dopunama Zakona o osnovnoj školi.

Obrazloženje

Pravni osnov:

Pravni osnov za donošenje ovog zaključka temelji se na članu 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), kojim se utvrđuju stavovi o pitanjima od značaja za sprovođenje utvrđene politike, odnosno, određuju zadaci kantonalnih organa uprave.

Razlozi za donošenje:

Dana 24.04.2018. godine, na 7. sjednici Skupštine Zeničko-dobojskog kantona, od strane poslanika Kaser Vedrana, podnesena je poslanička inicijativa vezana za **Izmjene i dopune Zakona o osnovnoj školi („Službene novine Zeničko-dobojskog kantona“, broj: 3/18)**,

Pri tome je navedeno da se inicijativa podnosi zbog reakcije zabrinutih roditelja djece, koja su završila Program obaveznog predškolskog odgoja i obrazovanja za djecu u godini pred polazak u osnovnu školu u Zeničko-dobojskom kantonu, a sada im se onemogućuje upis u škole na području istog, te da Zakonom o osnovnoj školi nije definisano davanje ili uskraćivanje saglasnosti na upis učenika koji imaju mjesto prebivališta izvan općine u kojoj se žele upisati u osnovnu školu odnosno Zeničko-dobojskog kantona. Također se navodi da bi se navedenim izmjenama jasno dala ministarstvu mogućnost uskraćivanja, odnosno davanja saglasnosti na upis uz obrazloženje.

U svom izjašnjenju – očitovanju po predmetnoj inicijativi, resorno ministarstvo je, (kao sastavni dio predmetnog zaključka), pripremilo obrazloženi Prijedlog stručnog mišljenja, za daljnje razmatranje od strane Vlade Kantona.

Finansijski pokazatelji:

Realizacijom ovog zaključka neće biti dodatnih zahvatanja u odnosu na već predviđena finansijska sredstva u planiranom Budžetu Zeničko-dobojskog kantona.

Mišljenja smo da postoje opravdani razlozi za donošenje ovakvog zaključka.